

## Timp cal côr

Cidinût il timp al passe,  
e nol va scrivint sul mûr,  
ma un segno pur al lasse  
che ti tèn sveât il cûr.

Lui nol va cirì la glorie  
al mét dongje navitâz,  
che po' restin te storie  
jenfri ueris jenfri pâs,

A sei frûz a nò si pense  
ma cul cresi salocôr  
alc al jentre te coscienze  
te stagjon di fa l'amôr.

Cul passà des setemanis  
passin vie tanç dolôr,

## *Poesie e Racconti Friulani*

gjoldis gnovis o lontanis  
a no fasin plui rumôrs.

Po' passade la buride  
dut al reste cence vôs,  
ma cun chèst no jé finide  
cuanch'el timp 'le gjenerôs.

Se daûr al sentiment  
un afièt ch'al dà calôr  
mai sarà gran torment  
s'al fuìs il timp ch'al côr.